



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

26. De Chunis in Gallias prorumpentibus, & quomodo S. Seruatius
Tungrorum Episcopus precatus sit Deum , & SS. Apostolos, negentem
illam Barbaram Gallias vastare permetterent.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

successit, quandoquidem nec eo die, quo per Gothos sunt moenia oppugnata, nec per omne id tempus, quo urbem obsederant Barbari, hostilis vis vlla ad hunc locum peruenit, nec planè vnquam eodem tumultuatum. Et sanè me admiratio subit, nec Romanis nec hostibus ipsis, in ea tam diutina urbis obsidione in memoriam venisse, muri hanc partem: quæ res cum miraculi postea loco sit habita, nec sarcire quidem in posterum quisquā, nec de integro restituere ausus est: sed ad hunc diem ea è regione seiunctus permanet murus.

Gregor. Turonens. lib. 2. cap. 5. historia Francorum, De Chunis in Gallias prorumpentibus, & quomodo S. Servatius Tungrorum Episcopus precatus sit Deum, & SS. Apostolos, ne gentem illam Barbaram Gallias vastare permetteret.

CAP. XXVI.

CHunis in Gallias irruptionem meditantibus, erat apud Tungros oppidum Servatius eximæ sanctitatis Episcopus, qui vigilijs ac ieiunijs vacans, crebro lachrymarum imbre perfusus, Domini misericordiam precabatur, ne vnquam gentem hanc incredulam, seque semper indignam in Gallias venire permetteret. Sed sentiens per spiritum, prodeliictis populi, sibi hoc non fuisse cōcessum, consilium coepit, vt expeteret urbem Romanam, scilicet vt adiunctis sibi Apostolicæ virtutis patrocinijs, quæ humiliter à Domino fla-

S S

gita-

gitabat, mereretur facilius obtinere. Accedens ergo ad beati Apostoli tumulum deprecabatur auxilium bonitatis eius, in multa abstinentia, maxima inedia se consumens, ita ut biduo triduoque sine villo cibo potuque maneret, nec esset interuallum aliquod in quo ab oratione cessaret. Cumque ibidem multorum dierum spatia in tali afflictione moraretur, fertur hoc à beato Apostolo accepisse responsum: Quid me vir sanctissime inquietas? Ecce enim apud Domini deliberationem prorsum sancitum est. Chunos in Gallias aduenire, eosque maxima tempestate debere depopulari. Nunc igitur sume consilium, accelera velociter, ordina domum tuam, sepulturam compone: require lintamina munda. Ecce enim migrabis à corpore, nec videbunt oculi tui mala quæ facturi sunt Chuni in Gallijs, sicut locutus est Dominus Deus noster. Hoc à sancto Apostolo Pontifex, responso suscepto, iter accelerat. Galli asque velociter repetit, veniensque ad urbem Tungrorum, quæ erant necessaria sepulture secum citius leuat: valeque dicens clericis, ac reliquis ciuibus vrbs denunciat cum fletu & lamentatione, quia non visuri essent ultra faciem illius. At illi cum eiulatu magno & lachrymis eum prosequentes, supplicabant humili prece dicentes: Ne derelinquas nos pater sancte, ne obliuiscaris nostri pastor bone. Sed cum cum fletibus reuocare non possent, accepta benedictione cum osculis redierunt. Hic

verò

verò ad Traiectensem urbem accedens, modica pullatus febre recessit à corpore. Ablatusq; fidelibus, iuxta ipsum aggerem publicum est sepultus.

Gregor. Turonens. lib. 2. cap. 6. historia Francorum, quomodo B. Stephanus Protomartyr visus est apud SS. Apostolos Petrum & Paulum intercedere pro urbe Metensi, in qua reliquiae S. Stephani requiescunt.

CAP. XXVII.

CHuni à Pannonijs egressi, ut quidam ferunt, in ipsa sanctæ Pascæ vigilia, ad Metensem urbem, reliqua depopulando, perueniunt, tradentes urbem incendio, & populum in ore gladij trucidantes, ipsosque sacerdotes Domini ante sacrosancta altaria perimentes. Nec remansit in ea locus inustus, præter oratorium beati Stephani primi martyris ac leuitæ. De quo oratorio quæ à quibusdam audiui, narrare non distuli. Aiunt enim priusquam hi hostes venirent, vidisse se vnum fidelem in visu quasi conferentem cum sanctis Apostolis Petro ac Paulo, beatum Leuitam Stephanum de hoc excidio, ac dicentem: Oro Domini mei, ut non permittatis obtentu vestro Metensem urbem ab inimicis exuri, quia locus in ea est, in quo paruitatis meæ pigra continentur: sed potius sentiant populi aliquid me posse cum Domino. Quod si tantum facinus populi supercreuit, ut aliud fieri non possit, nisi ciuitas tradatur incendio, sal-